

Масжид йўқолган нарсаларни топиб берадиган идора эмас



16:30 / 20.06.2021 1839

إِلَّا قَمَّ لَسَوْ وَهِيَ لَعْلَلْ لَيْلِ صَبَّ لَيْلِ نَعْ، وَنَعْلَلْ لَيْلِ صَرَّ رَعْرَعِي بَأَنْع
كَيْلَعْلَلْ لَيْلِ أَدْرَ الْوَقَيْلِ فَيَجْسَمُ لَيْلِ فِي لَعْلَلْ أَرْضُ دُشْنِي الْجَرَعَمَسْ نَم
دَوَادُ وَبَأَوْ مَسْمُ هَاوَر. أَدُولَنْ بَتْمَلْ دَجَّاسْمَلْ أَنْفِ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Ким масжидда йўқолган нарсасини сўроқлаган одамни эшитса, унга «Аллоҳ уни сенга қайтармасин. Масжид бунинг учун бино қилинмаган», десин», дедилар».

Муслим ва Абу Довуд ривоят қилганлар.

Шарҳ: Масжидда туриб, йўқолган нарсани эълон қилиш, уни излаш мумкин эмас. Чунки масжид ибодат масканидир. Йўқолган нарсаларни топиб берадиган идора эмас.

Аммо масжид эшигидан ташқарида у ерга келганлардан йўқолган нарса ҳақида маълумот сўраса бўлади. Ушбу нарсага ниҳоятда эътиборли бўлишимиз лозим.

Баъзи жойларда имомлар минбарда туриб, йўқолган нарса ҳақида эълон қиладилар. Бу тўғри иш эмаслиги ҳадисдан кўриниб турибди.

لَا أَقِفُ لِحَرَمٍ أَقْبَلَ صِلَ مَلَمَّ سَوَّهَيْ لَعْلَلْ أَيْ صَيَّبَ لَنَا نَأْمَلُ سُمْ وَ
أَمَّا إِتَدَجَّ وَ أَلَمْ يَسَوَّهَيْ لَعْلَلْ أَيْ صِلَ أَقِفُ؟ رَمَحَ أَلَمْ حَلَّ أَيْ لِي إِعْدُ نَم
هُ لَتَيْ نُبْ أَمْ لِحَ اسْمَ لِي تَيْ نُبْ

Имом Муслим ривоят қилади:

«Набий соллаллоҳу алайҳи васаллам намоз ўқиб бўлганларида бир одам ўрнидан туриб:

«Ким қизил туяни кўрди?» деди.

У зот соллаллоҳу алайҳи васаллам:

«Уни тополмагин. Масжидлар ўзлари бино қилинган нарса учун бино қилингандир», дедилар».

Шарҳ: Бу ҳадисда ҳам масжид ичида йўқолган нарсани сўраб бўлмаслиги ҳақида сўз бормоқда.

«Ҳадис ва ҳаёт» китоби асосида тайёрланди